



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

9. De præmissis ante institutionem SS. Evcharistiæ.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

MEDITATIO IX.

De præmissis à Christo ante institutionem SS. Eucharistiæ.

PUNCTUM PRIMUM.

Cur lotio Eucharistiæ institutionem præcedit.

INstitutioni Eucharistiæ præmissa est lotio pedum, ad designandam cordis munditiam, qua sumenda est Eucharistia, lotis videlicet etiam pedibus à levioribus peccatis per Sacramentum Confessionis, & aquam lacrymarum. non recepturis nobis eum fructum, quem planè mundati recipiunt.

Deinde mos fuit convivis pedes lavare, unde Christus Phariseo ait: *Intravi in domum tuam. Aquam pedibus meis non dedisti*: significatur ergo exercitium humilitatis & charitatis, optimam esse præparationem accubituris huic sacræ mensæ.

Luc. 7.
44.

PUNCTUM II.

I.
Agnus
Pascha-
lis figura
Eucharistiæ.

PRæmissa item cœna Agni Paschalis. i. Quia ut ille sacrificabatur in memoriam liberationis ex servitute Ægyptiaca: ita in Eucharistia immolatur Christus in gratiarum actionem pro liberatione ex priore servitute peccati & diaboli. In priore tingebantur Agni sanguine postes domorum, ut Angelus percutiens transiret, non percussis Judæis, qui intùs se continebant. Carnes autem Agni edebantur ad confortationem viæ. Ita in posteriore liberatione
per

per sanguinem Christi Agni immunes reddimur à damnatione æterna, & carnibus ejus confortamur ad peregrinationem per hujus vitæ desertum. 2. Quia ritus edendi Agnum, erudiebant nos, quemadmodum Christus in Evcharistia sumendus sit. *Renes accincti* per castitatem mentis & corporis: *Calceati pedes*, custoditis affectibus, ne sordescant ex rebus terrenis tanquam pulvere: *Baculos tenentes*, non nisi merito S. Crucis, & in ejus virtute fidentes; *Eddentes cum festinatione*, summa cum aviditate & gustu: *Adhibitis panibus azymis* sinceritatis & puritatis, nec non *lactucis agrestibus*, quæ sunt mortificationes sensualitatis: *Non crudum ex eo quicquam edendum*; sed præmissa consideratione tanti mysterij: *Nec aqua coctum*, quasi languida meditatione affectuque: *Assum igni*, exardescendo in DEI amorem. Quam ego absum ab hac præparatione!

PUNCTUM III.

PRæfatur Christus: *Desiderio desideravi hoc Pascha manducare vobiscum, antequam pariar. Dico enim vobis, quia ex hoc non manducabo illud, donec impleatur in Regno Dei.* Sic ergo debeo summo desiderio accedere ad hoc Sacramentum, ut qui maximè indigeo hac refectione. Et quia non alia cogitari potest excellentior. Deinde sic comedam, quasi ultimùm comederem, unde & viaticum vocatur: comedam tanquam nunc moriturus.

C 3

ME.